

正法念處經卷第二十

寶十

元魏婆羅門瞿曇般若流支譯

畜生品第五之三

復次比丘知業果報觀於第四阿脩羅地彼以聞慧見有畜生阿脩羅地在三地下二萬一千由旬名曰不動其地廣博六萬由旬城名鎰毗羅縱廣一萬三千由旬莊嚴妙好阿脩羅王名鉢呵娑阿脩羅衆名一切忍是阿脩羅王於諸阿脩羅中得勝自在安樂勇健光明威德自在無畏尚不畏於帝釋天王況

於餘天有大力勢放逸嬌慢住一切地下從此以下更無住處是阿脩羅王所住之處摩尼寶珠以爲其地心常歡悅如人節會喜樂自娛多諸愛慢以衆蓮華流泉浴池周遍莊嚴鎰毗羅城七寶宮殿以爲莊嚴離諸怨敵互相親善無他怖畏受第一樂此第四地鎰毗羅城園林流池蓮華莊嚴七寶宮殿端嚴殊妙如星處空端嚴殊妙亦復如是伽陀頌曰

心能造作一切業 由心故有一切果

如是種種諸心行 能得種種諸果報  
心爲一切巧畫師 能於三界起衆行  
爲心所使遍諸趣 處處受生無窮已  
心爲繫縛解脫本 是故說心爲第一  
爲善則能得解脫 造惡不善則被縛  
如是心意使衆生 流轉行於三界海  
遇癡愛結自在故 心使衆生流轉行  
不能到彼涅槃城 如生盲人失正路  
如是衆生作種種業是故彼城受種種報是  
第四地於其城外園林流池周帀圍繞河泉

蓮華衆鳥異類莊嚴第四阿脩羅地所住之處一切忍阿脩羅等勇健無畏第一端正莊嚴其身共相娛樂不相惱亂心常悅樂猶如節會與衆妓女種種莊嚴一一徒衆眷屬圍繞或百或千遊戲娛樂其地皆以摩尼真珠以爲妓女光明晃耀諸阿脩羅恭敬尊重鉢<sup>第十一</sup>呵娑阿脩羅王瞻仰無厭雖受樂報無常敗散復次比丘知業果報觀一切忍阿脩羅王所受果報以何業故生於彼處即以聞慧見此衆生於人中時邪見覆心不識業果離佛

法僧見第一精進持戒之人欲有所須來從  
乞求辛苦乞索乃施一食既施食已而作是  
言我施汝食有何福德我以癡故施汝此食  
汝下賤人不應出家以食施汝如以種子投  
之沙鹵如是難施身壞命終以此難施墮於  
惡道不淨布施以福田功德生於第一安樂  
之處衆寶莊嚴受畜生報生不動界作阿脩  
羅名一切忍謂與天等勝餘一切阿脩羅王  
一切樂具皆悉具足以施福田得如是報非  
自心生復次比丘知業果報觀一切忍阿脩

羅衆業及果報以何業報生一切忍阿脩羅  
地即以聞慧知此衆生愛著美味住林樹間  
護此林樹非爲衆生自活命故非有悲心爲  
自利益身命因緣護一切林以是因緣身壞  
命終生一切忍阿脩羅中復次比丘知業果  
報觀阿脩羅與天共鬪即以聞慧觀法行龍  
第十一  
王住戲樂城龍王頂上有七頭其名曰婆脩  
吉龍王德又迦龍王跋陀龍王樓醯龍王雲  
鬢龍王婆都龍王一切道龍王鉢呵娑龍王  
婆利沙龍王此諸龍王正見順法樂離放逸

如上所說時不順法非法惡龍王鉢摩梯龍王毗諶林婆龍王迦邏龍王睂樓睂樓龍王等既爲如法龍王所壞即走往趣第一住處雙遊戲阿脩羅所作如是言速來速來同伴當知婆脩吉龍王德又迦龍王及四天王破壞我等汝今是我之所親友何不相助時遊戲阿脩羅聞是語已即詣光明城至羅睂阿脩羅所到已具說上事若羅睂阿脩羅王知世間人修行正法供養沙門知恩報恩語鉢摩梯等惡龍王言且住一月遮彼婆脩吉德

又迦龍王我當告彼第二住處阿脩羅王無惱汝等廣說如上時陀摩睂阿脩羅聞是語已入星髮城至阿脩羅王所作如是言大王羅睂阿脩羅王遣使告我作如是言婆脩吉龍王德又迦諸龍王及四天王惱亂鉢摩梯時第二地勇健阿脩羅王聞是事已即自觀察有力無力若閻浮提人修行正法供養沙門及婆羅門自知無力答彼使言天有大力所以者何閻浮提人修行正法我今當往告第三處爲一切行阿脩羅廣說上事時勇健

阿脩羅即往告彼第三住處阿脩羅衆時一切行阿脩羅聞是語已入鉢毗羅城至華鬱阿脩羅王所復說上事華髮阿脩羅王即觀閻浮提人若有供養沙門婆羅門者告一切行阿脩羅言我當告彼第四住處阿脩羅等時第三地阿脩羅即向第四地阿脩羅所說如是言婆脩吉德又迦與四天王共破我伴諸龍王等我今當為彼諸天衆作大哀惱時第四處阿脩羅衆聞是語已即向鉢毗羅城至鉢呵娑阿脩羅王所時鉢呵娑告諸阿脩

羅何故速行即答如上時鉢呵娑告諸阿脩羅衆羅睺阿脩羅等無所能為令四天王破壞鉢摩梯諸龍王等世間順法供養沙門及婆羅門何所能為我能壞之時鉢呵娑阿脩羅王至大衆阿脩羅所告言速疾莊嚴我今欲往婆脩吉德又迦等四天王所破其軍衆時諸阿脩羅王以無等力率諸軍衆與天共聞時鉢呵娑阿脩羅王告諸阿脩羅言汝等何故無有勇力不能破彼諸龍王等而自破壞我今當往自以身力破彼龍天時鉢呵娑

阿脩羅王勑其軍衆速疾莊嚴執諸器仗我今不久與天共鬪汝等先見與天怨敵不久當發我已告諸阿脩羅衆天不可忍當與彼戰時諸阿脩羅知是事已即自莊嚴種種器仗是時大力波羅呵娑阿脩羅王自以勇力大心無畏下量自力他力優劣<sup>五</sup>自出其城至第三地詣鉢毗羅城到華髮阿脩羅王所時鉢呵娑阿脩羅王與無量億那由他諸阿脩羅到華髮阿脩羅所作如是言速起速起爲聞戰故我等能破婆脩吉德叉迦等諸龍王

及天王等時華髮阿脩羅王聞是語已告諸軍衆今非鬪時所以者何閻浮提人孝養父母恭敬沙門修行正法以是事故天有大力是故我今非是鬪時時鉢呵娑阿脩羅王聞華髮阿脩羅王說是語已告言速起速起我能獨破婆脩吉等及諸天衆何況汝等爲我同伴時華髮阿脩羅王聞其所說威力增長心生歡喜及其無量億那由他阿脩羅衆詣第二地時鉢呵娑阿脩羅王勇健阿脩羅王華髮阿脩羅王相隨往詣羅睺阿脩羅所告

言速起速起阿脩羅王爲鬪戰故破諸天故時羅睺阿脩羅王告諸阿脩羅王言我等今者非是鬭時所以者何閻浮提人孝養父母恭敬沙門婆羅門生於天上令天大力是故不得與天共鬪阿脩羅王以非時故時諸阿脩羅王語羅睺阿脩羅王言速起速起我爲聞故而來至此欲與天鬪時羅睺阿脩羅王即隨其意起欲往詣大海告鉢摩梯惡龍王等說如是言諸阿脩羅王今欲破彼婆脩吉德又迦諸龍王等時鉢摩梯聞是語已心大

歡喜即往婆脩吉德义迦所告言汝來同伴汝今可出吾共汝戰往何處鬪時婆脩吉德又迦龍王即出其城與鉢摩梯惡龍共戰非法龍王破壞還退時無量億阿脩羅衆速疾馳奔詣龍王所欲共鬪戰時婆脩吉德义迦復出其城與阿脩羅在大海上交陣鬪戰不可稱說於虛空中或兩大火或兩刀戟互相攻伐愛毒自燒以愚癡故如是鬪諍若閻浮提人順法修行孝養父母恭敬沙門婆羅門一法行龍則能獨破一切阿脩羅軍若世間

人行法者少則阿脩羅勝法行龍退若龍破壞即往詣於天使者所告言速來速來一切阿脩羅衆悉來伐我我與彼戰敗失不如時天使者聞是語已種種器仗而自莊嚴向婆脩吉德又迦龍王所作如是說我聞汝爲阿脩羅王之所破壞是故至此破阿脩羅軍時天使者與龍王俱詣阿脩羅所欲共鬪戰時羅睺阿脩羅王聞是事已亦向天所在大海上列陣而戰若世間人順法修行時天使者即能速疾破阿脩羅衆時阿脩羅既被破已

還其宮城時第二地阿脩羅衆聞是事已告諸軍衆汝等勿怖我身尚在能計彼天汝何所畏時阿脩羅即復疾走詣天使者興大鬪戰於大海中交陣共鬪天復得勝壞阿脩羅軍阿脩羅軍既被破壞時第三地阿脩羅衆聞其被破即向天所與天共戰遂互相害若天破壞即向護世四天迦留天所作如是言提婆天王速疾疾馳赴阿脩羅衆燒亂我等時迦留天持諸器仗即往詣彼阿脩羅所時阿脩羅見天衆來生大瞋恚疾詣天所與迦留

天衆合陣大鬪見者毛豎一切世間鬪戰大者無過天與阿脩羅戰無可喻者若諸世間順法修行迦留天則得大勝壞阿脩羅如是諸天與阿脩羅無量大衆聞於大海無可喻者以法非法因緣力故有勝有退非其自力若迦留天爲彼所壞時護世天即往告彼曼若迦留天爲彼所壞時護世天聞是語已與持天衆時發持天與迦留天及天使者及德又迦婆脩吉等無量大衆和合共集時羅睺阿脩羅王住光明城第一地雙遊戲阿脩羅

脩羅衆同爲一軍與天共鬪不可稱說若世間人順法修行天衆則勝阿脩羅軍退散破壞一切皆由法之力勢令天得勝不由非法若無順法行人則阿脩羅勝護世四天見是事已往詣常恣意天所作如是言速疾莊嚴阿脩羅軍勝於天衆常恣意天聞是語已與無量百千天衆持種種器仗欲詣大海與阿脩羅鬪住大海中厲聲大斗欲望速破阿脩羅軍更互合戰經於多時大惡鬪戰無量若惱若阿脩羅爲天所破即往向彼羅睺阿脩

羅所具說上事時羅睺阿脩羅王安慰諸阿脩羅言汝今莫怖汝今莫畏我有大力能壞天衆天力劣弱我力勝彼阿脩羅汝等可迴<sup>第十一</sup>諸阿脩羅聞羅睺阿脩羅王說是語已即復還迴欲與天鬭是時諸天與阿脩羅列陣大戰無量刀戟互相打斫如是大戰時第一地雙遊戲阿脩羅第二地陀摩睺阿脩羅與諸天衆對敵共戰若諸世間不順法行阿脩羅勝天衆則退若諸世間修行正法天衆則勝悉能破壞阿脩羅軍如是法者是天勝幢法

為第一法為能救若行非法行非法者非法不救一切阿脩羅行非法故天作是念阿脩羅王惱亂我等既不勝天不與天等何以故閻浮提人孝養父母隨順法行恭敬種姓者舊有德淨修八齋布施持戒修行福德不行放逸不近惡友是人命終生於天上阿脩羅非法無法救護一切天衆思惟是已時天使者鬢持天帝恣意天一切天衆持天法幢速疾馳往向阿脩羅軍而語之言住住阿脩羅我住天中汝等何故數惱我等汝既不能勝

諸天力又非第一非汝兵戈能勝諸天我今  
爲欲破汝軍衆故來至此以汝惡心於諸天  
故不得至汝所住宮城以汝一切不行正法  
不得安樂不得寂滅如是說已直趣其所一  
切決勇兩大刀戟婆脩吉等兩大炎火墮阿  
脩羅軍時阿脩羅見是事已即喚鉢摩梯諸  
寶十  
惡龍等汝爲我伴當與德又迦婆脩吉大龍  
王等兩火共戰時鉢摩梯聞是語已即走往  
趣婆脩吉所時二部龍兩火相燒天與阿脩  
羅大興鬪戰天復得勝破阿脩羅軍時阿脩

羅皆共相率往至羅睺阿脩羅所憂感憔悴  
以求救護羅睺阿脩羅王見是事已安慰之  
言勿怖勿畏以有我故若獨一身尚不畏彼  
帝釋天王況有汝等以爲翼從諸天劣弱何  
所能爲汝何所畏我今當告大仙勇健阿脩  
羅王華鬘阿脩羅王鉢呵娑毗摩質多羅阿  
脩羅王等爲彼說已我當自往破彼天衆時  
羅睺阿脩羅王即往告彼三地阿脩羅王到  
其所已說如是言一切天衆四天王天皆共  
和合來至我所與我共鬪今當思惟設何方

便破彼諸天時諸阿脩羅聞是語已即答羅  
睺阿脩羅言我當莊嚴與彼三十三天王帝  
釋共戰汝今可去天當破壞阿脩羅勝時羅  
睺阿脩羅王即往戰處欲與天鬪時諸阿脩  
羅衆向羅睺阿脩羅王說言大王天有大力  
天有大力不可共戰時羅睺阿脩羅王即趣  
天衆兩諸刀戟與天共戰是時諸天見阿脩  
羅兩諸刀戟使龍兩火疾走往趣欲破羅睺  
阿脩羅軍天兩劍戟猶如金剛交陣鬪戰不  
可稱說若閻浮提人順法修行孝事父母供

養沙門及婆羅門恭敬者舊天衆則勝阿脩  
羅軍退沒不如若世人不順法教天則退  
弱阿脩羅勝如是法力非法力故天與阿脩  
羅無等鬭戰若阿脩羅勝天衆破壞一切天  
衆互相告曰提婆提婆當念於法以有法故  
天衆得勝以法因緣天得增長是故諸天當  
起信敬思惟念法復往趣彼阿脩羅軍一切  
天衆以念佛故為法所護光明威德皆悉增  
長勝前百倍時阿脩羅見諸天衆光明威德  
即生怯弱告諸軍衆汝今何故生怯弱心天

之威德不與吾等及其刀戟兵刃相撲吾悉勝彼汝今何故而生怯弱時諸軍衆聞阿脩羅王安慰之音氣力增長是時羅睺阿脩羅軍還向天衆時諸天等身得法力速疾馳奔向阿脩羅文陣大戰時大力羅睺阿脩羅王處其軍中猶如第二須彌山王天以法力即破羅睺阿脩羅軍諸救護中法爲第一一切光明法光第一時羅睺阿脩羅見其軍衆破壞退散皆悉怯弱阿脩羅王復安慰言汝等阿脩羅勿怖勿怖何故丈夫怯如烏鳥自於

已舍云有勇健是大丈夫汝等亦皆解知論法無所畏懼曾已具見無量軍衆破壞退散汝今何故而生恐怖時諸阿脩羅聞安慰已心生歡喜以憍慢故即迴復反欲與天闘時羅睺阿脩羅王以憍慢心在其軍前一切阿脩羅依止羅睺羅睺所護以羅睺王爲最第十一一切阿脩羅皆往向彼四天王所諸阿脩羅以依羅睺阿脩羅力得生氣力羅睺阿脩羅王在我前行此王之力尚能破彼釋迦天主況四天王即復對敵兩諸刀戟又兩大石

猶如大山從空而下欲壞天衆時護世天見羅睺阿脩羅王兩大石山告諸天衆羅睺阿脩羅王兩大石山汝等當兩刀戟鋒稍莫令天衆得大衰惱時護世天說是語已及諸天衆直趣羅睺阿脩羅王共羅睺阿脩羅合陣大戰兩刀兩石從空參下墮大海中令海湧沸天兩刀劍傷害海中無量百千衆生之類或死或怖逃走畏避遍大海中皆生泡沫羅睺阿脩羅與天共戰餘天阿脩羅見是事已皆作是念未曾有也天與阿脩羅如是大戰

戰鬪不止若世間人修行順法一切阿脩羅多諸技術刀矟矛劍大力勇健心無所畏雖有此術即時破壞若世間人不順正法羅睺阿脩羅王則勝天衆是故法爲第一法爲最勝一切諸法非無因緣若羅睺阿脩羅王破壞失力諸阿脩羅皆悉愁悴厭離鬱心時羅睺阿脩羅王見諸軍衆皆悉愁悴生厭離心而告之曰阿脩羅莫自愁悴令心劣弱勿怖勿怖我若與汝至本官城不安樂住莫作是意欲還宮城奮迅威武令增身力迴詣戰場

莫歸本處時阿脩羅聞走語已復往趣彼四天王所更共鬪戰雨大石山雷電澍雨黑雲  
颶颶列陣大鬪見者毛豎天復得勝破阿脩羅軍一切諸阿脩羅作是思惟天有大力我當歸彼第二住處星鬱城中阿脩羅王以求救護利益安樂破諸天衆彼城之中有阿脩羅王名曰勇健自性勇健已曾百千與天共戰乃至天主釋迦提婆彼亦能勝如是阿脩羅勝過一切思惟是已皆共往詣勇健阿脩羅所說如是言阿脩羅王天衆大力羅睺阿

脩羅王與之共鬪不能令伏今可疾往以利益爲作救護佐助勝力王若執仗帝釋天王亦不能壞阿脩羅軍況餘天衆王曾伏彼於諸鬪戰阿脩羅中得大名稱速疾詣彼馳奔急趣手執兵戈奮動武器與天共戰破彼天衆汝先已曾百千破彼金剛之手於彼天中汝以勝力奮威振武時阿脩羅王聞是語已即向華蔓阿脩羅毗摩質多鉢呵娑阿脩羅所作如是言天軍力勝破壞羅睺阿脩羅王及其軍衆王今聽我與天共鬪令我得勝

時華曼阿脩羅王毗摩質多羅阿脩羅王鉢  
呵娑即告勇健阿脩羅曰速去速去我爲汝  
伴能壞天衆汝助羅睺阿脩羅王則能破壞  
一切天衆況四天王時勇健阿脩羅王聞是  
語已即向羅睺阿脩羅所爲助戰故時諸阿  
脩羅衆見勇健來皆大歡喜悉生勇力手執  
武器刀劍箭稍直詣天衆設諸鬪具箭如雨  
隨時天見此二阿脩羅將大軍衆各作是言  
此阿脩羅如是數數無有羞耻來惱天衆以  
畜生故我數破之猶來不止作是說已牢自

莊嚴奮迅勇力向阿脩羅軍欲共交戰時勇  
健羅睺阿脩羅王見天衆已作如是言天今  
下此必共戰諍我當與天列陣大戰時二阿  
脩羅王籌量此已速疾往詣四天王方決意  
欲鬪各望得勝若日在天後阿脩羅軍日在  
其前以日光明照其目故不能加害亦不能  
兩刀仗劍戟不能以目正視諸天各各相謂  
日光晃昱照我眼目是故不得與天鬪戰是  
時羅睺阿脩羅王即以一手障彼日光是第  
三因緣世人見已以愚癡心咸作是言今者

日蝕或言當豐或說當儉或言水災或言旱  
災或言王者吉凶災祥或言衆人有疫無疫  
如是無實妄生分別不如實知隨愚癡說如  
是羅睺阿脩羅王障蔽日光而語勇健阿脩  
羅言天今易見天今易見可以刀劍種種武  
器兵戈矛戟破彼諸天勇健阿脩羅王在其  
前面速疾馳走兩諸刀戟向諸天所天衆見  
之莊嚴種種戰鬪之具亦疾往趣勇健阿脩  
羅王兩衆武器刀劍矛矟向鬘持天鬘持天  
衆見是事已讚言善哉善哉阿脩羅王我諸

天衆數數破汝而汝無耻不生慚心我以法  
力以行法故以歸法故以修法故不離法故  
是故我勝汝多貪故貪著他物望為己用多  
行貪故汝無法行云何於此十善業道頤法  
諸天欲望破壞黑暗不能覆蓋光明明多勝  
故勇健阿脩羅王聞是說已告諸天曰何須  
多言我見汝等神通威德不勝忍之我等自  
依已力破壞天衆以見諸天威德勝故不能  
忍之作是語已直前往趣鬘持天所時鬘持  
天見是事已兩種種箭射阿脩羅身無空缺

處當於勇健阿脩羅上兩衆刀劍時髮持天告阿脩羅曰何故多貪阿脩羅汝以惡業而自破壞何用與天共相攻伐非法不能破壞如法我不爲汝作諸衰惱汝等何故數惱天衆雖作此說然阿脩羅猶復馳奔走趣天衆時髮持天告婆脩吉德叉迦等諸龍王曰今此勇健阿脩羅王以憍慢故自恃已力猶不調伏汝今可於阿脩羅上降注大火令彼失力破壞還退時婆脩吉聞是語已即於空中雨大猛火燒鉢摩梯諸惡龍等復疾走趣勇

健阿脩羅上放大熾電霹靂猛火雨阿脩羅軍時阿脩羅王被龍火已生大瞋恚手擎大石廣八百里擲髮持天時迦留天見是事已即兩大火燒滅此山是時勇健阿脩羅王見山被燒即失威力告諸天曰此山已然我當更以大山擲汝寶十十五身上爾時勇健阿脩羅王手擎大山復欲擲天時諸天衆告阿脩羅言汝既無法而作非法不能壞我我住正法汝住非法諸天如是毀呰阿脩羅王是時羅睺阿脩羅王聞是語已將諸軍衆疾走向天天衆

見已皆亦馳赴欲與阿脩羅交陣大戰以諸  
兵刃種種刀戟戈矛箭稍互相攻伐天說法  
已誠心憶念歸命三寶直趣阿脩羅軍天衆  
既至阿脩羅軍皆悉退散爲百千分欲向海  
下非法惡龍鉢摩梯等語阿脩羅言勿怖勿  
怖汝今捨我欲何所至德又迦婆脩吉諸龍  
王等我能遮之汝當獨與諸天共鬪破諸天  
衆汝若畏者汝本何故自出宮城來至於此  
汝不自審力之強弱何故乃與諸天作怨若  
汝捨<sub>乞</sub>我等成我等龍衆爲何所趣德又

迦婆脩吉是吾怨家我何所趣時阿脩羅聞  
是語已復還天所與天共鬪時諸惡龍不能  
遮彼如法龍衆阿脩羅軍尋復退散還歸海  
下入本宮城時阿脩羅見其軍衆如是破已  
遣阿脩羅向第三地華鬘阿脩羅所白言大  
王速起速起天衆力勝破壞一切阿脩羅軍  
分散四趣逃避走大王久已與天共戰得  
大名稱今亦如是當起厲意破諸天衆王若  
去者帝釋天王不能爲敵況餘天衆是時華  
鬘阿脩羅王聞是語已思惟籌量即與無量

億阿脩羅衆而自圍繞以種種器仗刀戟鉤  
稍牢自莊嚴往詣戰場大聲震吼聲滿十方  
時羅睺阿脩羅王見是事已語勇健阿脩羅  
言華鬘阿脩羅王今來向此益我威力破諸  
天衆汝今可迴汝今可迴華鬘阿脩羅來我  
寶十  
今大力軍衆聞已還詣戰場欲與天鬪時四  
大天王語阿脩羅言汝畜生法天數破汝而  
復還迴汝愚癡心自失軍衆說是語已向阿  
脩羅衆速疾馳走華鬘阿脩羅見諸天來告  
其軍衆汝等阿脩羅勿怖勿畏與天共戰何

故聚住破彼天衆莫生怯弱以有我故汝何  
所畏獨我一身能壞諸天何況勇健阿脩羅  
王爲我朋侶師子兒羅睺阿脩羅王爲我同  
伴汝等鬪戰莫生怖畏莫生怖畏增長威力  
破彼諸天令阿脩羅增長得勝奮怒大力與  
之共戰時華鬘阿脩羅如是勑已即與諸阿  
脩羅往詣鬘持天常恣意天迦留足天三塗  
十六  
篋天所住之處毗琉璃地周遍嚴飾心生喜  
悅而作是說我等不須三十三天帝釋天王  
能數數壞阿脩羅軍以法力故以法爲伴時

阿脩羅處在大海遍於海上欲與天闖集在  
大海是時諸天見阿脩羅大衆集已各共議  
曰一切第三地華髮阿脩羅宿大力者今皆  
來集說是語已阿脩羅衆皆至其所時天見  
寶十  
已即告阿脩羅曰虛來至此望壞天衆我有  
十七  
大力何以故閻浮提人隨順法行孝養父母  
供養沙門婆羅門喜樂善法修行善法命終  
生天是故我今勝於汝等有大力勢第一無  
比我等如法順法修行不惱汝等汝行非法  
惱亂我等時阿脩羅聞是語已不受天語即

與天闖時諸天等從其所住滿虛空中從空  
而下欲破阿脩羅軍兩軍交戰聲震大海魚  
鼈鼈鼈塵摩竭大魚那迦鯢魚心皆大怖散為  
百分或百千分天等大闖兩諸器仗矛矟刀  
戟天與阿脩羅如是大戰時華髮阿脩羅王  
告諸天曰前軍聞戰我時未至今汝破之我  
今至此當摧汝衆獨我一力能伏帝釋何況  
汝等四天王衆是故我能破汝天衆誰能當  
已即向髮持天時迦留天見其來已即向華  
髮阿脩羅所時阿脩羅欲破其軍於大海邊

拔取大石方四百里或三百里或二百里或一百里或一由旬大火熾然欲以此山擲迦留天時天見之即歸三寶思惟念法以箭射之碎如沙末墮大海中時阿脩羅見事無功即取大戟與迦留天對敵共戰夫既見已於虛空中兩金剛電碎其刀戟阿脩羅軍悉皆散壞時勇健阿脩羅王復走往趣常恣意天欲共鬪戰取大圍山名波利併廣五百由旬告諸天曰我今破汝一切諸天令汝天衆至閻羅王所說是語已直向常恣意天時護世

天見是事口接取圍山以打阿脩羅臂即時破壞走入海下還本住處時諸軍衆見阿脩羅退陀羅睺阿脩羅軍皆亦散走困乏垂死還入本處時羅睺阿脩羅及其軍衆復疾往趣三壁模天自以已力欲共鬪戰諸天見已於羅睺阿脩羅上兩大猛火燒第十一阿脩羅軍阿脩羅王及其軍衆退走散壞還歸海下是時諸天見阿脩羅軍皆悉退散心大歡喜阿脩羅王憂感愁惱丈夫之力皆悉散壞還走水下從門而入欲求救護求歸依處時諸天衆

知阿脩羅悉入水下還本山頂住毗琉璃山  
恐阿脩羅還復來至此何以故毗摩質多羅

阿脩羅王鉢呵娑於阿脩羅中最爲大力第

一最勝能救一切諸阿脩羅猶未來此彼若

破壞一切阿脩羅皆悉破壞說是語已皆大

歡喜氣力增長皆共遙視阿脩羅軍決意欲

戰時婆脩吉德又迦法行龍王破鉢摩梯等

被傷殘餘還入戲樂城望鉢呵娑阿脩羅王

破壞諸天救護我等若不能壞天還得勝天

衆增長如是阿脩羅伴惡龍王鉢摩梯等愁

毒苦惱住本城中阿脩羅軍亦復如是愁憂  
苦惱住於本處

## 正法念處經卷第二十

音釋

十九

憔悴憔昨消切悴秦醉  
切憔悴憂瘦也稍所角切  
也逃北詮切走也鼴鼴鼴愚東切  
鼴徒何切

鉢莫浮切

永樂北藏

正法念處經

第六三冊